

雙沱縣志

雙流縣志卷三

鄉賢

周商

瞿字子木孔子弟子孔子傳易於瞿瞿生於瞿上鄉卒亦葬於瞿上

舊志按楊升菴云孔子弟子商瞿世本作商瞿上宋景文先賢贊以爲蜀人按蠶叢治瞿上在商子之前商子名瞿非居瞿家語以爲魯人史記亦作魯人

漢朱普字伯禽廣都人也爲郡功曹太守與刺史王冀有隙枉見劾普詣新都獄掠笞連月肌肉腐臭惡同死人證太守無事勅其子曰我死載喪詣闕使天子知我心事得情理普以烈聞朱辰字元燕廣都縣人華陽國志辰爲巴郡太守甚著德惠辰卒官郡獯民北送及墓獯鼙鼓刀辟踊感動路人於是葬所草木頃許皆倣之曲折迄今蜀人莫不歎辰之德靈爲感應今朱氏爲首族也

南宋費游廣都人爲甯蜀郡太守墓元時猶存雙石闕甚偉廣都北有鄉曰石柱雙指闕也

唐柳震會昌中登進士第司空曙送震還蜀詩曰白日雙流靜西看蜀國春桐花能乳烏竹節競祠神蹇步徒相望先鞭不可親知從江僕射登楊更何人

郭 甫子儀六世孫爲御史中丞從僖宗幸蜀弟及爲廣都令家焉甫卒葬廣都石子山

後蜀張 扶字子持廣都人博學善文爲王建兵部郎中凡書奏牋檄建皆屬之建講武星宿山步騎三十萬謂左右曰得一二人如韓信而將之中原不足平也宗佶跪曰臣雖不才自願可驅策扶進曰陛下雄才大略尙不能得岐隴尺寸之士宗佶小子狂妄願陛下無以中原爲意宗佶憾之諭庖人置藥而毒殺之贈諫議大夫

費宗陶廣都人世爲成都巨族王蜀武成時與弟叔熊同爲顯官

郭 貞及孫時孟氏納土朝廷謂西川豪右可任郡檄補貞吏貞稱疾不就子仁渥當李順亂率卒黨保別野獲免王均繼起道遇害贈職方外郎二子軫輔

宋鄧 琛孟蜀資州刺史隆會孫淳化咸平順均荐亂琛謁以高貴且諭諸富人無斬邑人以故保全家頓貧由中江徙雙流以經學誘進後生羣聚至數百人翕然知學

郭 震及曾孫以詩名號漁舟先生李昉序其詩淳化四年先生謁闕上書曰蜀將有變未幾李順作亂先生留中原不歸無子世傳先生將走京師賦詩云今日出東郊東郊如春色青青原上草莫教征馬食

宇文冊雙流人第嘉祐第仕郡邑閒卒李公大臨稱爲西川顏子子昌齡喬齡

郭輔仁渥子起家登天聖乙卯科范公仲淹龐公籍韓公琦皆表其才器可任自鳳州擢知興元平均金房叛卒有功璽書褒美繼二持節後以梓州轉運使皇祐二年平清井夷死賞延三子中子子皋最知名知大邑均三邑灌漑人號爲平厯知昌建利三州子瑀瑜皆以賞得官瑜獨顯嘗提學京東後知懷州諸孫曰眉壽曰暘諸曾孫曰儼曰偉曰俟曰億曰傑眉壽俟億皆登第餘以世賞或以舉恩曾孫南義以詩名終布衣

字文昌齡字伯修冊子

原闕

進士甲科調榮州推官熊本經制梓夔辟幹當公事凡攻討詔襲

建南平諸城砦皆出其畫遷大理丞本歸闕言其功擢提舉秦鳳路常平改兩浙神宗患司農圖籍不肅選官釐整昌齡以使夔路入辭留爲寺主簿遂拜監察御史鄜延帥奏所部劉紹能與西羌通將爲患帝察其不然命昌齡卽鄜州鞠之果妄也昌齡因請深戒守臣毋生事微賞以靖邊人之心使還賜五品服尙書省建以爲比部員外郎時官曹更新統紀未立昌齡悉力從事雖抵暮亦程吏不止具所立綱要請於朝而行之三司故吏狙玩弛多不便思有以中之擿邏卒糾其宿直遣小吏取衾服事大臣欲論以私役帝以職事修飭釋不問改吏部員外郎

出京師轉運副使召爲左司員外郎送遼使至雄州當宴從者不待揖而坐昌齡誚其使曰兩朝聘好百年矣入境置宴非但今日揖而後坐此禮渠可闕耶使者陽若不服而心悟其非卒成禮去遷太常少卿詔議郊祀合祭論者不一昌齡曰天地之數以高卑則異位以禮制則異宜以樂舞則異數至於衣服之章器用之具日至之時皆有變而不亂夫祀者自有以感於無自實以通於虛必以類應類以氣合氣然後可以得而親可以冀其格今祭地於圜丘以氣則非所合以類則非所應而求高厚之來享不亦難乎後竟用其議改直祕閣知梓州歷壽州河中府鄧鄆青三州徽宗立召爲刑部侍郎徙戶部侍郎陝西饒芻糧於邊舊制令內郡轉給爲民病昌齡建言止輸其州而令量取道里費助邊糴從之歲省糴價五百萬公私便之以寶文閣待制知開封府復爲戶部侍郎知青越杭三州卒年六十五詔爲封傳護送歸官給其葬費子常字權可政和末知黎州有上書乞於大渡河外置城邑以便互市者詔以訪常常言自孟氏入朝藝祖取蜀輿地圖觀之畫大渡爲境歷百五十年無西南夷患今若於河外建城立邑虜情攜貳邊隙浸開非中國之福也尋提舉成都路茶馬自熙豐以來歲入馬蕃多至崇觀間其法始壞提舉官歲以所入進羨餘吏緣爲姦市馬裁十一二且負其直夷人皆怨常盡革其

弊馬遂溢額加直祕閣改知夔州進祕閣修撰官累中大夫卒次子千宰諸孫伋僕价子震皆顯价子震仕工詩文仕之子襪皆第進士子震典著作兼爲郎出總賦淮東晚守潼川价位至兵部尙書出以徽猷閣學士歷典大藩襪守威州

宋承之號二江先生元祐中居官惟以簡編筆研吟詩度日常曰世間樂孰與於此著有文集十六卷南部馬涓序之

郭忱及元孫南浦令由儀子登元豐第以博學名通判恭州年五十會蔡京用事忽忽不樂丐祠遂老生時敏終通直郎時敏生唏嘗爲大金留豫司幹辦公事受金人所歸疆進二秩佐劉公錡爲東京留守司幹辦公事順昌之捷不肯上功當時譴之從子屋傳皆登第屋終通直郎傳從仕郎子堪均皆世賞堪終通直郎均從仕郎

宋祚雙流人子承榮承慶承榮生堂舉賢良方正成都府學說書名載國史承慶生文禮以子右賢右仁同登慶歷第後贈朝散大夫右仁生桓桓生京京生衍同登科聯四世右賢孫良孺曾孫德之祖孫又相繼登科德文嘗爲四川類省第一皆文禮後也熙甯中邑令徐九思表其坊曰叢桂
作堂於邑東延壽院繪五世像號叢桂堂邑人榮之

宇文邦彥初名褒廣都人登元豐第仕至郡相卒子閔中粹中虛中迭登第粹中第編第三以文學著累官至尙書右丞

宇文虛中字叔通廣都人登大觀三年進士第歷官州縣入爲起居舍人國史在修官同知貢舉遷中書舍人宣和間將興燕雲之役以虛中爲參議官虛中上言本朝與遼講和百年一切恭順今不封殖爲我藩籬而遠踰海外引强悍之女眞爲鄰女眞藉百萬之勢不可以禮義服以百年怠惰之兵當新銳難抗之敵以寡謀安逸之將角逐於血肉之林臣恐中國之禍未有息期也王黼大怒降集英修撰及宗翰宗望南侵帝顧虛中曰王黼不用卿言至此奈何虛中請下詔罪己卽命屬草略曰言路壅蔽面諛日聞恩倖持權貪饕得志帝覽詔喜曰今日不吝改過時守禦難其人欲召熙河帥姚古與秦鳳帥种師道帝顧謂虛中曰卿與姚古師道如兄弟以一使名護其軍遂以虛中爲軍前宣諭使虛中檄趣姚古師道後先引西兵至汴門會姚平仲刼金營失利金兵逼城下虛中縋而入欽宗欲遣人辨刼營非朝廷意大臣皆不肯行虛中承命冒鋒刃而進至營露坐風埃自已至申金人注矢圍繞久乃得見康王次日見宗望抵暮遣人隨虛中入城要御筆書定三鎮界令虛中再往明日從康王還又三往金人固要三鎮

虛中泣曰太宗殿在太原上皇祖陵在保州詎忍割棄金人言其非妄遂解兵北去言者劾以議和之罪竄韶州建炎二年詔求使絕域者虛中應詔復資政殿大學士爲所請使明年春金人遣歸虛中曰奉命祈請二帝二帝未還虛中不可歸於是獨留寄詞張孝純曰有人若問南冠客爲道西山採薇薇又詩云定鼎未應周命改登牀合許宋人平又曰南冠終日囚軍府北雁何時到上林久之金人重其才藝官以翰林學士掌詞命書金太祖功德碑號爲國師虛中雖仕金乃心不忘王室以蠟書密奏不一事東南之士憤恨陷北虛中密以信義結約金人不覺也王倫歸虛中附奏云如敵人以家屬爲請願以沒賊辭之秦檜慮虛中沮和議悉遣其家往金其子師瑗言臣父以身殉國家之急與他被執者不同家屬望朝廷主張先定於十年前者爲檜所抑不得對全家驅迫出境虛中仕金每呼同列爲礦鹵貴人積恨媒孽成罪以其家圖書爲反具虛中曰高士談家圖書尤多豈亦反耶有司并殺士談虛中老幼百口同日受焚死天爲之晝晦檜死後太學生程宏圖言虛中有反金之謀秦檜忌之私遣人告於金人遂致族誅使忠臣望絕於本朝孝宗朝諡肅愍賜廟仁勇且爲置後是爲紹節官至簽書樞密院事開禧初加贈少保賜姓趙氏有文集行於世

字文紹節字挺臣成都廣都人祖虛中簽書樞密院事父師瑗顯謨閣待制父子皆以使北死

無子孝宗愍之命其族子紹節爲之後補官仕州縣九年第進士累遷寶謨閣待制知廬州時
侂冑方議用兵紹節至郡議修築古城剏造砦柵專爲固圉計淮西轉運判官鄧友龍譖於侂
冑謂紹節但爲城守徒耗財力無益於事侂冑以書讓紹節紹節復書謂公有復讎之志而無
復讎之略有開邊之害而無開邊之利不量國力浪爲進取計非所敢知侂冑得書不樂乃以
李爽代紹節召還爲兵部侍郎兼中書舍人兼直學士院以寶文閣待制知鎮江府吳曦據蜀
趣紹節赴闕任以西討之事紹節至謂大臣曰今進攻則瞿唐一關彼必固守若駐軍荆南徒
損威望聞隨軍轉運安丙者素懷忠義若授以密旨必能討成功大臣用其言遣丙所親以帛
書達上意卒誅曦權兵部尙書未幾除華文閣學士湖北京西宣撫使知江陵府統制官高悅
在戍所肆爲殺掠遠近苦之紹節召置帳前收其部曲俄有訴悅縱所部爲盜者紹節杖殺之
兵民皆歡升寶文閣學士試吏部尙書尋除端明殿學士簽書樞密院事安丙宣撫四川或言
丙有異志語聞廷臣欲易丙紹節曰方誅曦初安丙一搖足全蜀非國家有顧不以此時爲利
今乃有他耶紹節願以百口保丙丙卒不易朝廷於蜀事多所咨訪紹節審而後言皆周悉事

情嘉定六年正月甲午卒訃聞上嗟悼爲改日朝享進資政殿學士致仕又贈七官爲少師非常典也諡曰忠惠

宇文時中賜進士第後以直龍圖閣知潼川閬中及其子師尹師皋從子師申師獻孫紹直紹良從孫紹寅紹奕嘗爲吏部典三州卒紹直自郡守參議大藩紹猷紹彭紹莊工詩文皆典州師獻字德濟少師粹中子少師晚歲歸安於蜀師獻以恩補承務郎歷官知閬州卒漢州張栻表其墓

費得珪游裔生惟亮惟古惟亮生襄舉孝廉惟古生二子曰策調蒲江簿曰求登熙甯第官雖止眉山令而博學爲鄉先生求生開開生樞機桓樸植子申之孫士幾士寅士威皆先後登第士寅又於四川類省第一終右史士幾工詩文典州策之子曰汝弼孫安中曾孫行之元孫士亮汝弼安中行之士亮亦後先登第行之常於中書門下省檢正諸房公事終直寶文閣費振游裔舊游太學登紹興第三子大猷大川大臨實世其科大川後爲四川類省第一大猷典州

張深少師公謹子自江源遷雙流登崇甯第累遷夔州路轉運判官張丞相浚宣撫川陝承

制黜陟除潼川路提點刑獄改轉運副使遷知夔州中書舍人勾濤論馬政力薦深除管川陝茶馬繼除都轉運使以制置使胡公世將議酒法不合改除瀘州因丐祠請老子孫多以賞得官子珙慎孫徽之安之皆郡守

郭印孝子絳子貢上庠中第官終部刺史秦相檜與印有庠序舊絕弗與通歷相三郡家食十八年晚號亦樂居士子皆以賞惟復明世其科嘗入爲宗正丞知崇慶府除夔州路轉運判官未赴卒孫以祖賞得官曰道子

梁介紹興丁丑進士第三人爲校書郎乞彭州歸遷利州路轉運判官兼四川宣撫司參議官改知瀘州居歲餘民夷便安之詔改瀘南兼安撫一路以旌其能瀘州爲一路安撫自介始梁丞相克家薦之有旨召赴行在道遇病辭得主管沖佑觀再召又辭除知遂甯府未赴卒二子皆得官曰珙曰穆從子自類省奏名曰梓

馬騏進士捷子登紹興進士第執政楊公椿薦之高廟有旨召騏辭召乃發賜對除軍器監主簿孝宗初元遷起居舍人兼侍講權中書舍人有旨權直學士丐祠除知遂甯眉州使權潼川除祕閣修撰奉祠知瀘州再知遂甯除右文殿修撰再知潼川卒有子覺世其科自郡守召

爲太府少卿從子興孫亦登第

張大同登紹興進士嘗教授成都解官不復出三奉祠祿多著書號淡齋先生子敬修從子聿修皆登第故邑人推爲儒宗

李 廋入太學與四方賢士交獨於李光泰發最厚晚樂善好施子大年甚似之二子嘉謀嘉猶同登第嘉猶好學工詩文官至宣教郎嘉謀嘗入爲宗正丞出守二州繼持節作牧又典州云

張守珪朝奉大夫

原闕

若訥若愚孫協

原闕

再世兄弟登科協

原闕

爲詩有唐人風

原闕

終於

宣教郎其弟終茂州別駕

明龔

鼎字

原闕

天順丁丑進士幼稱孝友篤愛弟鳳任主事有能績遷守南陽遇宗室縱橫裁

以法悉斂跡擢雲南參政父文貴義方教子享高年鄉閭表重之子嘉祺成化庚子舉人令福清有祖父風

趙 佑字汝翼雙流人宏治十二年進士由繁昌知縣召爲御史正德元年六月災異求言佑

上言大監劉瑾邱聚馬永成輩日獻鷹犬導騎射萬一有銜櫬之變豈不爲兩宮憂鎮守內臣

鄧原麥秀頗簡靜而劉璟梁裕擠代之戶部議馬房草場召民佃種甯瑾竟自奏止李興擅伐陵木已坐大辟乃欲賂左右祈免他如南京守備劉雲倉場監督趙忠章段雋循俱寅緣增設乞置瑾等於法罷璟裕毋遣而汰革額外冗員自今政事必諮大臣臺諫不爲近習所搖則災變自弭奏入羣奄大恨帝將大婚詔取太倉銀四十萬兩佑言左右以婚禮爲名將肆無厭之欲計臣懼禍而不敢阻閣臣避怨而不敢爭用如泥沙坐致耗國不幸興師旅遺饑饉將何以爲計哉九月宛平郊外李花盛開佑言此陰擅陽權非偶然也帝皆不納是時中官益橫佑與同官朱廷聲徐鉉交章極論章下閣議將重罪中官事忽中變劉健謝遷去位瑾遂大逐廷臣忤己者指佑與廷聲鉉及陳琳潘鏜等爲奸黨勒罷之瑾誅佑用薦起山西僉事卒

劉寅字東谷宏治己未進士資性醇厚事繼母至孝隨文宦淮陽從王衢吾游莊定山結爲忘年交及長奮志力學登第官南京考功郎出守甯國值歲歉賑活甚衆流賊之變備禦尤嚴建梅都官祠歲時祀之擢參汴藩未幾以疾歸著有東谷集

焦

瑀字

原闕

以貢授處州通判時海寇猖獗瑀誘其酋長來降遷同知致仕後奉詔存問進

階知府

清宋 恂字若愚夾江籍乾隆丙辰舉人已未進士知河南西華縣性廉潔仁厚多惠政續開渚河加築沙河隄復築月隄支河以次修濬官橋驛柳積歲通蔚過者稱賢先是邑戶崎錯無保甲法恂乃順甲立冊履勘之奸宄不能匿蝗蝻災捐金購捕觸熱指授圍布障掩殺之禾稼無害邑故有衍疇書院恂至益增肄業膏火人士向風乃興修文廟修商高宗陵建留養局以卹貧寒增宜濟堂義田以賑孤獨華人頌之顧以辦河務失上官意辭歸賦詩有成毀久教憑命定是非都付與公論又烹鮮自愧非能手製錦人嫌是拙工之句臨行士民遮道攀轅車不得前歸勝其楹曰江水澄清作吏八年攜得去豫風儉樸歸田兩袖帶將來宦績詳陳州太守于大獻西華縣志嘉慶中公請入祀鄉賢子文型官至廣西右江道署按察使孫鐸貴州台拱同知鄧雲南文山知縣錡鈞皆嘉慶辛酉拔貢銘歲貢錡歷任教職每新進諸生聞係寒士卽不受其贄去任時行李蕭然尤好施予傾囊指困不恤人稱盛德壽至九旬而終子學濂綏定訓導沛霖道光壬午舉人丙戌進士由刑曹官至雲南迤東道沛闡沛周廩生肇瀝監生沛霖子寶械咸豐己未解元任雲南平彝知縣父子俱以廉介聞歷官有年而儉素自居泊如也學濂子樑孫炳文沛闡子樞沛周子檢亦食餼於庠寶械子安濤候選知縣

劉 潛字芳皋乾隆甲寅舉人嘉慶丙辰進士由庶吉士改官刑部出知廣西鬱林州儒林止唐兄也壘篋集皆唱和之作著作甚富多散佚吉光片羽猶流傳士林

劉 沅字止唐乾隆己酉拔貢壬子舉人截取湖北天門知縣改國子監典簿辭歸奉母講學至髧著四書恆解等書數十種闡明聖道子父皆能究心聖學不墜淵源咸豐壬子重宴鹿鳴長子崧雲適於是科中式崧雲後以親老不赴禮部試終身樂道授徒次据文亦潛修不出次椅文咸豐辛酉拔貢同治庚午舉人禮部小京官教授生徒以大學正心修身爲主多所造就次桂文同治甲子科舉人光緒丁丑科進士入翰林居京華二十餘年晨夕宴坐靜以自修大學士徐桐嘗叩其家學應對維謹不因緣干進轉御史奉命查漕固却重金出守廣西梧州有政聲次棟文順慶訓導齋居樂靜以遺書教士林人皆宗仰次根文由訓導改捐中書善存養老而愈勤初羸弱晚年精神完固所造益深次憶文初試卽售爲縣學生人咸以大器期之早卒次果文幼穎異年甫弱冠亦早卒光緒末大吏奏進恆解等書請將事實宣付史館儒林列

傳 本傳載藝文

古 淳字鶴峯以歲貢官天全州訓導工書耽吟詠著有鶴峯詩集卒年九十歲墓在牧馬山

歲久將溼民國四年里人醵金重修賈策爲之碑記

徐文賁字十樵以選拔官甘肅階州州判性樂易出語輒解人頗著述甚夥十樵詩集其最著也

彭安瀾字初度幼以冠軍補弟子員屢赴鄉試薦而不售遂不復角逐名場妻康氏早逝遺二子安瀾不再娶鰥居五十餘年論者比之王摩詰云

陶和齡字魯齋性孝友重然諾當藍逆之亂捐貲練團一邑賴以安堵署督崇檄委總理五路團練調省防堵甚倚重之其所賞賚及保舉皆力辭不受

彭定國字安亭少有壯志詩書之外兼善騎射舉武闈後遂絕意進取以孝友訓其家其子陽春道光庚戌科武狀元頭等侍衛厚德之獲報如此

宋 銘字 文型八子錡之弟也歲貢生生平以孝友聞鍵戶著書一字不入公門有司高其義輒往拜之終以干謁爲恥子宗泗亦歲貢生

袁廷璋字琢堂宿儒也幼承家學言動不苟年三十領鄉薦老母在堂依依盡孺子慕以孝友終其身邑宰陳枝蓮贈聯云眼有千秋左圖右史胸無一物流水行雲可想見其高致